

Newspaper	UTUSAN MALAYSIA
Date	24 JAN 2015

● Atas kemangkatan Raja Abdullah Abdulaziz al Saud ● PM batalkan semua programnya di Forum Ekonomi Dunia 2015

Seri Paduka, Malaysia ucap takziah



ROZAMAN ISMAIL

Melaporkan dari DAVOS, SWITZERLAND

■ DAVOS 23 JAN.

YANG di-Pertuan Agong, Tuanku Abdul Halim Mu'adzam Shah menyampaikan ucapan takziah kepada kerabat diraja Arab Saudi di atas kemangkatan Raja Abdullah Abdulaziz al Saud hari ini.

Ucapan takziah itu dizahirkan oleh Perdana Menteri, Datuk Seri Najib Tun Razak bagi pihak Seri Paduka dan kerajaan Malaysia.

Menurut Perdana Menteri, hubungan antara kerajaan Malaysia dan Arab Saudi sangat akrab dan berkembang pesat sepanjang Almarhum menjadi Raja Arab Saudi.

"Keakraban antara kedua-dua buah negara tidak dapat disangkal lagi dan ia dapat dilihat melalui pelbagai bidang kerjasama yang semakin erat," katanya pada sidang akhbar di sini.

Menurut Perdana Menteri, Arab Saudi juga menjadi sebuah negara yang maju dan pesat membangun di bawah kepemimpinan Almarhum.

Malaysia juga, kata Najib, amat menghargai segala kemudahan yang diberikan kepada jemaah haji selama ini.

"Sudah tentu sebagai seorang raja pemerintah yang mempunyai wawasan begitu jauh dan kepemimpinan yang begitu berkesan, kemangkatan Almarhum adalah satu kehilangan besar dan amat dirasai oleh rakyat Arab Saudi yang saya tahu amat menyayangi Almarhum Raja Abdullah.

"Bagi pihak Yang di-Pertuan Agong, kerajaan dan seluruh rakyat

Sudah tentu sebagai seorang raja pemerintah yang mempunyai wawasan begitu jauh dan kepemimpinan yang begitu berkesan, kemangkatan Almarhum adalah satu kehilangan besar dan amat dirasai oleh rakyat Arab Saudi yang saya tahu amat menyayangi Almarhum Raja Abdullah."

NAJIB TUN RAZAK
Perdana Menteri

Malaysia, saya ingin mengucapkan takziah kepada keluarga Almarhum.

"Mudah-mudahan Allah SWT mencuri rahmat atas rohnyanya dan menempatkan Almarhum dalam kalangan mereka yang beriman, insya-Allah," katanya.

Najib berkata, beliau mengambill keputusan membatalkan semua programnya di Forum Ekonomi Dunia (WEF) 2015 untuk menghadiri upacara pengebumian Almarhum kerana hubungan Malaysia dan Arab Saudi begitu akrab sekali.

"Saya bergegas ke Riyadh untuk menyampaikan ucapan takziah dan memberi penghormatan terakhir kepada Almarhum Raja Abdullah," ujarnya.

Bagaimanapun program lawatan kerja beliau ke United Kingdom mulai esok hingga Isnin diteruskan.

● LAGI BERITA DI MUKA 14,
BELASUNGKAWA DI MUKA 12



NAJIB TUN RAZAK bersalaman dengan sebahagian tokoh perniagaan dunia yang menghadiri satu majlis pertemuan anjuran Lembaga Pembangunan Pelaburan Malaysia (MIDA) dan Khazanah Nasional Berhad sempena Forum Ekonomi Dunia (WEF) di Davos, Switzerland, semalam. - BERNAMA